



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N 9/08/8

< 22 > 05 2023թ.

**Սարգիս Վարուժանի Գևորգյանին
Հասցե՝ ք.Երևան, Վիլնյուսի փողոց, 232, 4բն.**

Ուղարկվում է վարչական մարմնի նախաձեռնությամբ ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական վարույթի արդյունքում թիվ **8300570437** վարչական ակտն անվավեր ճանաչելու մասին որոշման օրինակը:

Առդիր՝ << 3 >> թերթ:

Հարգանքով՝

Պետի պարտականությունների ժամանակավոր

կատարող, ոստիկանության գեղապետ՝

Ա. Մաթևոսյան

Կատ. Գ.Կիրակոսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 04.05.2023թ. կայացված թիվ **8300570437** վարչական ակտն անվավեր ճանաչելու մասին

22.05.2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 04.05.2023թ. կայացված թիվ **8300570437** վարչական ակտը,

Պ Ա Ր Զ Ե Ց Ի

2023 թվականի մայիսի 11-ին ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում ստացվել է ՀՀ ՆԳՆ ոստիկանության պարեկային ծառայության Կոտայքի գումարտակի հրամանատար, ոստիկանության փոխգնդապետ Արտյոմ Սահակյանի զեկուցագիրն այն մասին, որ նույն գումարտակի, 2-րդ վաշտի, 1-ին դասակի պարեկ, ոստիկանության լեյտենանտ Վահան Թորոսյանը 2023 թվականի մայիսի 4-ին ժամը 00:24-ին կազմել է վարչական իրավախախտման վերաբերյալ արձանագրություն այն բանի համար, որ քաղաքացի Սարգսի Վարուժանի Գևորգյանը, Կոտայքի մարզի, Աբովյանի քաղաքի Սևանի փողոցում «Օպել» մակնիշի 97 EE 977 հաշվառման համարանիշի տրանսպորտային միջոցը վարել է խախտելով <<Ճանապարհային երթևեկության անվտանգության ապահովման>> մասին ՀՀ Օրենքի 18-րդ հոդվածի 1-ին մասի <<գ>> կետի պահանջները, այն է՝ տրանսպորտային միջոցը վարել է չունենալով տվյալ կարգի տրանսպորտային միջոց վարելու իրավունք և <<Վարչական իրավախախտումների վերաբերյալ>> ՀՀ օրենսգրքի 128-րդ հոդվածի 1-ին մասի հատկանիշներով կայացրել է թիվ **8300570437** որոշում՝ Սարգիս Գևորգյանին տուգանելով 25.000 ՀՀ դրամի չափով, սակայն տեղում ստուգմամբ պարզվել է, որ վերջինս գտնվում է ոչ սթափ վիճակում (սթափության վիճակի զննության թիվ 00242 արձանագրություն):

Գարուշ Բաղդասարյանը նույն պահին կազմել է արձանագրություն, զուգակցված թիվ 8180280139 որոշմամբ՝ նշելով, որ տրանսպորտային միջոցներ վարելու իրավունք չունեցող անձը տրանսպորտային միջոցը վարել է ոչ սթափ վիճակում, սակայն չի կայացրել որոշում, քանի որ նշված արարքը ՀՀ քրեական օրենսգրքի 344-րդ հոդվածի 2-րդ մասի համաձայն քրեական պատասխանատվություն է նախատեսում տրանսպորտային միջոցներ վարելու իրավունքից զրկված կամ տրանսպորտային միջոցներ վարելու իրավունքը կասեցված կամ **տրանսպորտային միջոց վարելու իրավունք չունեցող անձի կողմից հարբած (ոչ սթափ) վիճակում տրանսպորտային միջոց վարելու համար:**

Զեկուցագրում նշված հանգամանքները հաստատվել են նաև կից ներկայացված թիվ **8300570437** վարչական ակտի, ինչպես նաև կազմված վարչական իրավախախտման վերաբերյալ արձանագրության և զուգակցված թիվ 8180280139 որոշման և էլեկտրոնային ռեգիստրերից կատարված քաղվածքների պատճենների ուսումնասիրությամբ:

<<Ճանապարհային երթևեկության անվտանգության պահովման մասին>> ՀՀ օրենքի 29-րդ հոդվածի համաձայն՝ անձի վարելու իրավունքը դադարում է, եթե՝

1) առկա է նրան անգործունակ ճանաչելու մասին դատարանի՝ օրինական ուժի մեջ մտած վճիռ.

2) առկա է նրա՝ հոգեկան, թմրամիջոցների և (կամ) հոգեմետ (հոգեներգործուն) նյութերի օգտագործմամբ պայմանավորված հիվանդության վերաբերյալ և (կամ) առողջական վիճակը օրենսդրությամբ սահմանված պայմաններին չհամապատասխանելու մասին իրավասու մարմնի եզրակացություն.

3) առկա է վարելու իրավունքից զրկելու մասին դատարանի՝ օրինական ուժի մեջ մտած դատական ակտ կամ իրավասու այլ մարմնի՝ ուժի մեջ մտած ակտ.

4) նա մահացել է:

2. Անձի վարորդական վկայականն ուժը կորցնում է, եթե՝

1) առկա է սույն հոդվածի 1-ին մասով նախատեսված հիմքերից որևէ մեկը.

2) լրացել է վարորդական վկայականի գործողության ժամկետը.

3) վարորդական վկայականը կորել է, և անձը դիմել է նոր վկայական ստանալու համար կամ իրազեկել է կորստյան մասին:

ՎԻՎՕԻ 9-րդ հոդվածի 2-րդ պարբերությունը սահմանում է, որ սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ՆԳՆ ոստիկանության պարեկային ծառայության Կոտայքի մարզի գումարտակի պարեկ, ոստիկանության լեյտենանտ Վահան Թորոսյանը թիվ **8300570437** վարչական ակտն ընդունել է օրենքի սխալ կիրառմամբ, այսինքն՝ ընդունել է ոչ իրավաչափ վարչական ակտ, քանի որ քաղաքացի Սարգիս Գևորգյանի կողմից տրանսպորտային միջոցներ վարելու իրավունք չունեցող անձի կողմից տրանսպորտային միջոցը ոչ սթափ վիճակում վարելը նախատեսում է քրեական պատասխանատվություն, ուստի թիվ **8300570437** որոշումը ենթակա է անվավեր ճանաչման:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 04.05.2023թ. կայացված թիվ **8300570437** վարչական ակտը ճանաչել անվավեր:

2. Որոշման օրինակն ուղարկել քաղաքացի Սարգիս Գևորգյանին և ՀՀ ՆԳՆ ոստիկանության պարեկային ծառայության Կոտայքի մարզի գումարտակ:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետի պարտականությունների ժամանակավոր

կատարող, ոստիկանության գնդապետ՝



Ա. Մաթևոսյան